

Dihlabelo ke taba ya tebogo, e sego ya golefa

Thero mo Psalme 50:23

Palo ya Beibele: Psalme 50

Temanathero: Psalme 50:23

Gantši re bala mo Testamenteng ya kgale ka dihlabelo. Batho bao ba bolayago diphoofolo, madi ao a tšhollwago... Ge o tšea mohlala ka se, o ka bona e ke e swana le ka mo ditumelo tša maAfrika a dumelago ka gona, ge sehlabelo sa diphoofolo e le setlwaedi, bjalo ka go hlabela badimo pudi, goba se sengwe.

Se se swana le ka mo matsatšing a Testamenteng ya kgale, ge motho a ka bapetša ka tsela eo ba bego ba dira dihlabelo ka gona Testamenteng ya kgale, le dihlabelo tša bantle mehleng yeo. Gobane ka matsatši ao e be e phatlaletše mo dinageng go tliša dihlabelo goba go bolaya diphoofolo. Ka tsela engwe motho a ka nagana gore re šoma ka tsela e tee, gomme ra tšwela pele ka gore Beibele ga e ganetše go hlabela badimo. Ke a boeletša, e lebelele ka tsela eo.

Pele re ka tsena mo temaneng ya rena, ya Psalme 50, mo kakaretšo ya seo re se bolelago ka dihlabelo le ka mo dibego di šomišwago ka gona Testamenteng ya kgale, pele ke thome ka go hlaloša ka mohlala wa motho wa go se dumele. tsela eo sehlabelo sa motho wa go se dumele, e lego ka gona e ka ba tsela ya go lefa. O tliša sehlabelo go modingwana goba badimo. Gobane o nyaka gore ka morago a humane se sengwe go tšwa go yena. Seo e ba go lefela gore o humane se sengwe. Mohlala bantle Testamenteng ya kgale ba be ba tliša dihlabelo tša bona go Baali. Ba be ba bolaya kgomo, gobane ba nyaka gore Baali a ba nešetše pula. Baali e be e le Modimo wa dihla, Modimo wa pula, le Modimo wa go tliša puno. Ge o be o nyaka go bjala gomme o nyaka gore pula ene gore dibjalo tša gago dimele o be o eya go moprisita ka tempeleng ya Baali, gomme o a tliša kgomo. O be o hlabela Baali kgomo bjalo ka mpho, gomme ka morago o a dira kgopelo ya gago go Baali: Theetša Baali, bjale ke go hlabetše kgomo ke mpho e tšwago go nna. O ka tšea kgomo e botse ye. Bjale o ka se swarwe ke tlala lebaka le letelele. Bjale ke nyaka gore o nešetše pula gore dibjalo tša ka, dimele.

Ana o hlaloganya lebaka la sehlabelo sa motho yo wa go se dumele? E be e le tsela ya go reka. O hloka pula, gomme Baali o swanetše go go nea; gomme Baali o hloka kgomo gore a phele, gomme wena o kgona go mo fa kgomo. Ka tsela engwe maemo a gago a lebeletše Baali. Motho le Modingwana, motho le badimo, ka moka ga bona ba hlokana. Ba ka se kgone go phela kantle ga o mongwe.

Bjalo batho ba be ba hlalefile, gomme ba kgona go fora badimo. Mohlala ba be ba tliša kgomo e lwalago, eo ba sa e hlokego, gomme ka tempeleng ba re go modingwana wa bona: lebelela ke tlišitše kgomo e botse, e nonnego e bile, e etekanetše, ke mpho e tšwago go nna, empa bo nneteng kgomo e be e lwala. Gomme ka tsela eo batho ba fora badimo. Go bušetša: lebaka la sehlabelo sa modiradibe yo: e be e le go hlokana. Motho o hloka modingwana, gomme modingwana o hloka motho. Gomme ka bobedi ba lebelelana. Re bala mo Beibeleng gore dihlabelo tše gantši e be e le diphoofolo, empa se se sebe se direga nako le nako gore batho ba ba tla tliša bana ba bona bjalo ka dihlabelo go modingwana. Ba be ba ipotša gore sehlabelo se segolo se tla dira gore mahlogonolo a bona go modingwana e be a magolo. Lebaka le go lebelelana, e le go reka. Go sa lebelelwe, gore ke mohau, empa e le lebaka la go reka le go rekiša. Ka tsela eo motho a ka fetša ka gore batho le modingwana ba be bale seemong se se tee. Ka tsela engwe motho o ka godimo ga modingwana wa gagwe, o kgona go fora modimo wa gagwe.

Ke boela gape go seo ke se boletšego mathomong: ge o bapetša o sa hlokomele, sehlabelo sa motho wa go se dumele se ka lebelega bjalo ka tsela ya molao wa Moshe. Le ga go le bjalo ge o lebelela lebaka o bona pharologana. Mo Testamenteng ya kgale re bala gore diphoofolo di be di

bolawa. Empa ka lebaka le e be e le pharologano. Go sa lebelelwe gore o a reka goba o a rekiša. E se lebaka la go lebelelana.

Aowa, Modimo, ga se motho yo a lebeletšego yo mongwe, go ya ka mangwalo. Modimo ke yo mogolo. Ke monna yo a sa hlokego thušo. Ke yena Mohlodi. O bopile monna. Monna ka lebaka leo o lebeletše Modimo. Monna a ka se kgona go phela le ka motsotso o tee kantle le Modimo. Empa Modimo o phela kantle le motho. Seo ke seo Beibele e re rutago ka Modimo.

Gomme Modimo ga a hloke dihlabelo tša rena. Gobaneng a ka di hloka, yo a bopilego diphoofole ka moka mo lefaseng, a hloka dipudi goba dikgomo? Seo ke molaetša o lego mo Psalme 50. Timaneng ya 7-13: Wena setšhaba sa ka, kwaa nna! Wena Isiraele, ke a bolela, ke bea bohlatse pele gag ago, ke re: Modimo ke nna Modimo wa gago! Ga ke go be le molato wa dihlabelo; didimo tša gago ke dula ke lebane natšo. Ga ke tšee powana lešakeng la gago, ole ge e le phokwana mehlapeng ya gago. Gobane phoofole tšohle tša naga ke tša ka, le diruiwa tše di fulago dithabeng ka dikete. Dinonyana tšohle dithabeng ke a di tseba, le diphedi tšohle tša lešoka ke tša ka. Ge nkabe ke ekwa tlala, nkabe ke sa botše wena, gobane legohle ke la ka le tše di tletšego go lona. A o re ke ja nama ya dipoo, ke nwa madi a diphoko?

Mo psalomeng ye Modimo o kgalema batho ba gagwe gobane ba mo tlišetša dihlabelo bjalo ka bantle. Balsiraele ba ile ba thoma go nagana gore dihlabelo tša bona ke go reka Modimo. Ba ile ba thoma go nagana gore Modimo o hloka nama, ba ile ba mo tlišetša dipholo. Gomme ka lebaka leo Modimo a ba kgalema. Temana ya 8:

‘Ga ke go be le molato wa dihlabelo; didimo tša gago ke dula ke lebane natšo.’

Ka nnete, balsiraele ga ba emiša go dira dihlabelo. E be e le setlwaedi mo go bona. Seo e be e le se se lokilego, go ya ka molao wo Modimo a o filego Moshe. Empa, maikmisetšo a bona ka dihlabelo a be a se a lokilego. Maikaelelo a bona a be a swana le a bantle, gomme ka tsela eo Modimo a thoma go se amogele dihlabelo tša bona. Gobaneng Modimo a laetše batho go tliša dihlabelo? E sego go reka dilo tša Modimo. E sego go reka. Ba be ba bolaya diphoofole ka lebaka la gore mohlomongwe ba tla hwetša pula, goba puno, goba mahlatse. Aowa! Gobaneng Modimo a ba laetše go tliša dihlabelo? E be e se lebaka la go reka, goba la go lebelelana. Empa e le leswao la go leboga! E be e le go bontšha gore diphedi tše nyane, le batho – bohle ba lebeletše Modimo. Temaneng ya 14: Tlišang dihlabelo tša tebogo go Modimo. Išang maikano go Modimo yo godimodimo. Gomme temaneng ya rena: Yo a tlišago sehlabelo go Nna, ka tsela ya tebogo, o lokiša tsela gore ke molaetše phološo ya Modimo.

Go bušeletša: ge o sa hlokomele o ka bona e ke go a swana. Bantle le badumedi Testamenteng ya kgale ba be ba bolaya diphoofole. Bo nneteng go be go na le lefase la pharologano. Bantle ba be ba šomiša dihlabelo tša bona go reka se sengwe go modingwana wa bona, e bile ba leka go mo fora. Empa modumedi wa nnete Testamenteng ya kgale o be a bontšha go leboga se sengwe le se sengwe seo a se humanago. Le ge se sa mo lokela go tšwa go Modimo. Ka tsela ye motho wa go se dumele kgolagano modingwana ke yola wa batho ba babedi ba rekiša le go reka go yo mongwe. E le tsela ya kgolagano ya go se tshepane, goba e le go itebelela. Gomme ka tsela eo Testamenteng ya kgale kgolagano ya Modimo le motho e be e le bjalo ka Ntate le ngwana, ka tsela ya go tshepana ya lerato le go hlokomela ga ngwana ke Ntate, le go itumela ga Ntate go morwa. Ana o hloganya pharologano e? A re se ke ra lebala pharologano e. Matšatšing a lehono mo Afrika ao a dirago theology: Go na le go swana magareng ga tumelo ya seAfrika, ka tsela eo ba hlabelago badimo go bapetšwa go seo re se balago Beibeleng, mahlakoreng a mabedi re bala ka dihlabelo, le go bolawa ga diphoofole bjalo bjalo. Empa Psalme ya 50 e re bontšha pharologano. O se ke wa iphora. Bjalo ka motho o ka se kgone go reka selo go Modimo. Bjalo ka motho o ka se kgone go kgotsofatša Modimo ka sehlabelo. Bjalo ka motho yo a se na go maatla o ka kgona fela go obamela Modimo le go mo rapela. Bjalo ka ge re bala mo Psalomeng (temaneng ya 16 go iša pele):

'Ge e le yo mobe, Modimo o mo rera o re: Melao ya ka o e balelang? Kgwerano ya ka o reng o e bolela ka molomo? Mola o gana go solwa, o fularela se ke se bolelago? Ge o bona lehodu, o kopana nalo; mme o ikopanya le diotswa. Molomo wa gago o o gafetše bobē; leleme la gago le bata maaka. O dula fase wa eka ngwaneno; wa nyefola ngwana wa mmago. Ke tšona tše o di dirago, wa bona ke homola, wa re ke swana le wena. Bjale ke tla go sola, gore o bone se e lego taba.' (16-21)

Mo bophelong ba gago, o se ke wa nagana gore o tla kgotsofatša Modimo ka go tliša sehlabelo, ka go bolaya diphoofolo. Go obamela Modimo ga se go mo fa nama. O leka go ka humana se sengwe go yena. Aowa, go obamela Modimo ke go latela ditsela tša gagwe, le go mo rapela. Go bontšha tebogo go yena. Bjalo ka ge temana e bolela: Yo a tlišago sehlabelo sa tebogo go nna a lokiša tsela ke tlišile go molaetša phološo ya Modimo.

Ke tshepa gore molaetša o bonolo. Beibele e ganetša ditumelo tšeo di dirilwego ke batho. E ka ba tumelo ya nakong ya balsiraele goba e ka ba tumelo ya tsela ya seAfrika, goba tumelo ya Europa, goba se sengwe seo se dirilwego ke motho, Beibele a ganetša tumelo yeo. Seo se kgahlago Modimo ke tebogo ya nnete. Boikokobetso go thato ya gagwe. Go mo tshepa. Ka nnete, Modimo wa kgwerano o a tshepega!

Dihlabelo tšeo re balago ka tšona mo Testamenteng ya kgale di be di le ka tsela yeo e kgethilwego! Ga o lebelela ka hlokomelo di tla go laetša pharologano ya bantle. Empa ka tsela ye di be di farologana. E be e le lebaka la kgaugelo, tshepo, lerato, le go leboga. O ka se reke botse go Modimo ka sehlabelo. Modimo ka kgaugelo ya gagwe o re tlišetša thegofatšo ya gagwe godimo ga rena. Se ke botse bja kgwerano!

Amene.